



## INFORME SOBRE AS ALEGACIÓNS RECIBIDAS NO TRÁMITE DE AUDIENCIA E INFORMACIÓN PÚBLICA RESPECTO AO “PROXECTO DE DECRETO POLO QUE SE ADOPTAN MEDIDAS SOBRE A SUBMINISTRACIÓN DIRECTA DE CAZA MAIOR SILVESTRE ABATIDA NA COMUNIDADE AUTÓNOMA DE GALICIA”

A práctica da cesión por parte do cazador a consumidores finais de pequenas cantidades de carne de caza, constitúe unha actividade que se contempla como unha excepción ao réxime xeral de comercialización da caza, tal e como regula o apartado apartado 3 c), artigo 1 do Regulamento (CE) núm. 853/2004 do Parlamento Europeo e do Consello, do 29 de abril de 2004, polo que se establecen normas específicas de hixiene dos alimentos de orixe animal.

Esta excepcionalidade tamén aparece recollida no apartado 2 b), artigo 4 do Real decreto 640/2006 de 26 de maio, sobre as condicións de aplicación das disposicións comunitarias en materia de hixiene.

Doutra banda, a regulación da comercialización da caza maior silvestre abatida posibilita, ademais dos pertinentes controles de seguridade alimentaria, unha mellor execución daqueles relativos á vixilancia e control no ámbito da sanidade animal, de acordo cos criterios establecidos nos plans nacionais de vixilancia sanitaria da fauna salvaxe.

Necesariamente, a posta no mercado para consumo humano da carne de caza debe cumplir cuns esixentes requisitos sanitarios e de hixiene establecidos na normativa comunitaria e na normativa sectorial aplicable. Por iso, para minimizar o risco potencial de transmisión de enfermidades por consumo de carne de caza, é necesario, para autorizar esta actividade, establecer requisitos para controlar as condicións sanitarias que deben cumplir as pezas de carne antes da súa subministración directa á persoa consumidora final ou da súa entrega a unha sala de tratamento de caza, como paso previo á súa introdución na cadea alimentaria.

### 2. Alegacións presentadas

No trámite de información pública e audiencia aos colectivos interesados, recibíronse 8 alegacións: 3 correspondentes ao colectivo de cazadores (APROCA, Federación Galega de Caza e UNITEGA), 1 do sector cárnico (ASICCAZA), 1 do colectivo animalista e 3 alegacións dunha veterinaria particular (

A maioría das alegacións están referidas fundamentalmente ás instalacións dos locais intermedios de faenado, ao acondicionamento das pezas de caza maior, ás características do transporte das ditas pezas, á toma de mostras de triquina, ao servizo veterinario colaborador e A referida á posibilidade de que o persoal cazador reciba unha formación específica que lle permita levar a cabo determinadas funcións.

### 3. Contestación ás alegacións presentadas



A continuación, detállanse as respostas motivadas ás alegacións recibidas

### Alegacións de APROCA

Esta asociación presenta tres alegacións nas que se manifesta o seguinte

1.- *"Por norma xeral, si o que tratamos, é de que se fomente a caza e o consumo de especies de caza maior por estar estas en continua expansión, consideramos que non se están a dar os pasos axeitados, xa que o que se está a tratar é de lexislar en demasiada práctica cotiá cargando aos cazadores con custes que ata agora non tiñan....."*

Resposta:

Esta regulación enténdese necesaria dada a ineludible esixencia de que a posta no mercado para consumo humano da carne de caza cumpra cos preceptivos requisitos sanitarios e de hixiene establecidos na normativa comunitaria e na normativa sectorial aplicable, sendo os veterinarios o único colectivo coa formación necesaria que esixe a citada normativa comunitaria.

Sentido da valoración: **Rexeitar**

2.- *"...Estase dando un protagonismo excesivo aos veterinarios, polo que ao final, os cazadores evitarán comunicar a inmensa maioría das mortes dos animais para non ter que costear tamén os honorarios dos profesionais..."*

Resposta:

Neste borrador regúlase o papel dos profesionais veterinarios en posesión da titulación académica que accredita formación, coñecemento e capacidade para a inspección e detección de procesos patolóxicos nas canais obxecto de valoración, o cal é básico para garantir a protección da saúde pública e da sanidade animal, polo que non se considera excesivo o protagonismo deste colectivo.

Sentido da valoración: **Rexeitar**

3.- *Manifesta de forma xenérica que "As persoas responsables das cacerías non poden facerse responsables do cumprimento destas obrigas, xa que así nos quedariamos sin persoas que se responsabilicen do bo desenvolvemento das batidas, si aínda lles cargamos cos responsables de control dos animais abatidos"*

Resposta:

En relación coas funcións atribuídas no proxecto de decreto ao responsable da cacería, indicar que estas non son maiores que as xa atribuídas polo Real Decreto 50/2018, do 2 de febreiro, polo que se desenvolven as normas de control de subprodutos animais non destinados ao consumo humano e de sanidade animal na práctica cinexética de caza maior, normativa básica estatal que debe ser respectada.

Sentido da valoración: **Rexeitar**





3.- Así mesmo, no artigo 5.c) propoñen eliminar o que a continuación figura riscado e substituílo polo que figura en cursiva:

*"Un servizo veterinario colaborador para a realización de exames *post mortem* e emisión do ditame sanitario sobre as carnes e vísceras destinadas a subministración directa para consumo humano, así como para a realización das tarefas mencionadas no número 7 do artigo 3 deste decreto en materia de caza ou sanidade animal. ~~Corresponde aos respectivos Colexios Oficiais de Veterinarios xestionar as listas de veterinarios disponibles para a realización das tarefas encomendadas neste decreto ao servizo veterinario colaborador corresponderá ao responsable ou titular do local intermedio concertar os servizos de veterinario colaborador entre os veterinarios dispostos a realizar as labores propias do posto con residencia ou exercicio profesional máis próximo ao lugar onde se sitúe o local intermedio".~~*

Resposta:

Respecto aos criterios de elección do veterinario colaborador polo titular do local intermedio ou a priorización da súa elección por criterios de proximidade do seu exercicio profesional, consideramos que a atribución da xestión destes profesionais polos Colexios Veterinarios Oficiais é un sistema adecuado que permite a posibilidade de garantir a maior independencia destes profesionais no ámbito das súas actuacións neste decreto.

Por outra banda, por cuestiós económicas e de eficiencia, é altamente probable que estes veterinarios colaboradores realicen o seu exercicio profesional habitual próximo aos lugares onde se realizan as actividades cinexéticas.

Sentido da valoración: **Rexeitar**

4.- Presenta alegación ao artigo 5 letras a) e c): Normas para o rexistro e autorización do local intermedio de faenado de caza maior silvestre, a FGC propón modificar a letra a), engadindo o seguinte parágrafo:

*A Xunta de Galicia, a través das diferentes Consellerías, propiciará a apertura progresiva de locais intermedios para que se poida dispôr de polo menos un por comarca; iniciando a súa apertura nas comarcas con maior actividade cinexética de caza maior.*

Resposta:

Corresponde aos colectivos de cazadores, de acordo á actividade cinexética e as súas necesidades, a solicitude e acondicionamento dos locais intermedios.

A Xunta de Galicia a través da Consellería de Sanidade rexistrará todos aqueles locais intermedios solicitados que cumpran as condicións do Anexo VII.

Sentido da valoración: **Rexeitar**





### Alegacións da Federación Galega de Caza

1.- Presenta alegación, sobre o artigo 2 (definicións) na que propoñen engadir un novo punto: *“cazador con formación: persoa con formación axeitada que efectuará o primeiro exame do corpo e vísceras extraídas in situ no lugar de caza ou no lugar de reunión das pezas de caza, quen se informará sobre si se observan comportamentos anormais no animal vivo antes de ser abatido”*.

Centra as súas alegacións en que non sexa un veterinario o que faga unha primeira inspección e sexa un cazador con formación o que a realice

Resposta:

Aínda que non existe na nosa comunidade autónoma formación específica para este persoal, procédese a estimar a proposta para incluír esta figura que deberá ser previamente acreditada na formación sanitaria regulada que xustifique a súa competencia e responsabilidade.

Coa aceptación desta alegación modifícase o contido do artigo 2 incluíndo o apartado m) persoa con formación.

Ao introducir esta figura no decreto é necesario, en aras dunha maior claridade das actividades dos distintos actores da cacería e da adecuación dás actividades desta nova figura, modificar la redacción do artigo 3. Isto implica así mesmo a modificación do anexo II “Documento sanitario de traslado de pezas de caza maior silvestre” substituindo o “servizo veterinario colaborador” por “persoa con formación”.

### Sentido da valoración: Estimar

2.- Presenta alegación ao artigo 4.1: Solicitan a ampliación do texto do artigo referente o transporte das pezas de caza maior silvestre desde o lugar de caza ou desde o punto de reunión das pezas de caza maior silvestre, *“O transporte debe realizarse ...., nun vehículo en adecuado estado de limpeza e mantemento e deseñado de tal maneira que se protexa ás pezas de caza maior silvestre da contaminación e deterioro, dotado de superficies internas lisas, fáciles de limpar e desinfectar”, que amplíe con ou ben cuberta a superficie do vehículo onde se transportan os animais por material limpo e impermeable dun só uso (plástico) que se descartará hixienicamente unha vez finalizado o transporte.*

Resposta:

A definición que se fai do transporte no decreto deixa abertas diferentes posibilidades coa condición de que se evite a contaminación e a deterioración da peza, tal e como así se reflicte no Capítulo IV referido a transporte do Anexo II de regulamento 852/2004 relativo á hixiene dos alimentos de orixe animal.

### Sentido da valoración: Rexitar





5.- Presenta alegación ao artigo 6.g): Condicións para a inspección veterinaria no local intermedio de faenado de caza maior silvestre, a FGC propón modificar o prazo establecido na letra g) pasándoo a 14 horas, porque o prazo de 12 horas sería o mesmo que o establecido no artigo 4.1 anterior para realizar o transporte ata o local intermedio, e polo tanto o prazo para estar acondicionadas e en refrixeración debe aumentarse ata as 14 horas.

Resposta:

O sentido do decreto é que as pezas non deben superar as 12 horas sen que exista refrixeración, por tanto debe programarse o transporte, se non é refrixerado, de maneira que non se superen as 12 horas desde a morte do animal.

Sentido da valoración: **Rexeitar**

6.- Presenta alegación ao artigo 7.4: Destino das pezas de caza maior silvestre de subministración directa, a FGC propón engadir (destacado entre paréntese) no punto 4

*As pezas de caza maior silvestre que carezan de ditame do servizo veterinario colaborador, serán consideradas non aptas para o consumo (en establecementos de restauración colectiva ou polo consumidor final distinto do propio cazador) e deberanse xestionar de acordo co que dispoñen os artigos 21 e 22 do Regulamento (CE) 1069/2009, do Parlamento Europeo e do Consello, do 21 de outubro, con respecto ás condicións de recollida, identificación e traslado ás plantas de eliminación*

Resposta:

As pezas declaradas non aptas para consumo deberán destinarse, polo risco sanitario que supoñen, a plantas de eliminación

Sentido da valoración: **Rexeitar**

#### Alegacións de Unitega

1.- Presentan alegación por la que solicitan que el autoconsumo no estea regulado por esta Norma.

Resposta:

Este decreto regula a comercialización como subministración directa do cazador ao consumidor final ou a establecementos de restauración. En ningún caso regúlase o autoconsumo neste decreto.

Sentido da valoración: **rexeitar**

2.- Presentan alegación ao apartado 7) e recorren á figura do “cazador formado” ou “persoa con formación”.



-Resposta:

Aínda que por mor doutras alegacións presentadas a este mesmo concepto, o apartado 7 do artigo 3 é eliminado, a valoración do sentido desta alegación é positivo , polo que procede a súa aceptación

-Sentido da valoración: **Estimar**

#### **Alegacións de Libera-Fondation Franz Weber**

1.- Presenta alegación ao artigo 3, apartados 3 e 9.

Apartado 3, solicitan que *Unha vez morto o animal de caza maior silvestre, procederáse no prazo máximo de 30 minutos á extracción, como mínimo, do estómago e intestinos (...).*

Resposta:

O capítulo II do Regulamento 853/2004 polo que establecen normas específicas de hixiene dos produtos de orixe animal, establece no seu punto 1 que unha vez morto o animal de caza maior, procederáse canto antes á extracción do estómago e os intestinos....

Neste proxecto de decreto indícase tamén canto antes debido que ás características de cada cacería impiden fixar unha unidade de tempo e por iso respéctase a redacción literal do antedito Regulamento

-Sentido da valoración: **Rexeitar**

2.- Presenta alegación ao apartado 9 : Propón modificar a redacción deste apartado:

*"9. Coa excepción dos cabeiros, hastas e cornos, a retirada dos trofeos non se poderá realizar ata que se ditamine a súa aptitude para o consumo", pola seguinte redacción:*

*"9. A retirada de trofeos non se podrá realizar ata que se ditamine a súa aptitude para o consumo"*

Resposta:

Por trofeo de caza enténdense as hastas e cornas adheridas ao cráneo ou parte delas das especies cinexéticas de caza maior recollidas na *Lei 1/1970, de 4 de abril de Caza*, así como os cabeiros e amoladeras do xabaril. Tamén se consideran parte do trofeo, a pel necesaria para naturalizar, ata o peito, libre de restos de carne, do esófago e da traquea. Tendo en conta o anterior, se ben parte destes trofeos de caza poden ser susceptibles de consumo (cabeza, músculos, vértebras ou restos adheridos a estas), concretamente os cabeiros, hastas e cornas non teñen esta consideración, polo que a ex-





cepción establecida no artigo 3.9, considérase correcta e non deben ser obxecto de limitación , non tendo sentido vincular a retirada destes trofeos ata o momento do díame de aptitude para o consumo.

- *Sentido da valoración: Rexeitar*

3.- Presenta alegación ao artigo 4, apartado 1, solicitan un máximo de 2 horas para o transporte e a refrixeración das pezas.

Resposta:

As características das cacerías e a posible distancia dos locais intermedios son os que aconsellan os límites para a refrixeración reflectidos no decreto.

*Sentido da valoración: Rexeitar*

4.-Presenta alegación ao artigo 7, apartado 2, solicitan que os establecementos de restauración conserven la documentación correspondente ao Anexo IV (relativo ás pezas de subministración directa) polo menos dous anos no canto dun.

Resposta:

Procedeuse a establecer a tenencia da documentación por un ano, para adaptalo ás frecuencias de inspección e supervisión dos servizos de saúde pública en relación o seguimento nos destinos das carnes procedentes de locais intermedios de faenado de caza maior . Con todo non existe obxección en ampliar a tenencia da documentación a dous anos

-*Sentido da valoración: Estimar*

5.- Presenta alegación o artigo 8, apartado 2: propón modificar a redacción deste apartado, diminuíndo o prazo para acreditar a xestión dos subprodutos animais non destinados ao consumo humano SANDACH por parte do responsable da cazaría dos 10 aos 3 días.

Resposta:

Considérase que o prazo de 10 días fixado para a acreditación documental da correcta xestión dos subprodutos animais non destinados ao consumo humano polo responsable da cazaría é acorde cos prazos que establece a propia normativa autonómica reguladora da actividade cinexética, en relación coas obrigas de comunicación dos resultados das cazarías.

A redución proposta deste prazo a 3 días non implicaría a priori ningunha mellora no control da xestión destes subprodutos, engadindo non obstante unha complexidade ao procedemento , contradicindo o principio de eficacia e simplificación administrativa que debe rexer as actuacións da administración, polo que non se considera oportuno acoller a modificación proposta.



*Sentido da valoración: Rexeitar*

**Alegacións de ASICCAZA (Asociación interprofesional da carne de caza)**

En primeiro lugar esta asociación manifesta o seu desacordo coa posibilidade de que o cazador poida realizar unha subministración directa das pezas cazadas, todo iso polos perigos que supón dada a presenza de enfermidades como a triquina e a tuberculose, polo que propoñen que toda a carne de caza siga, como ata o de agora, pasando por unha sala de tratamiento de caza.

1.- Presenta unha alegación referida a que se potencie a figura do "cazador formado".

Resposta:

Aínda que non existe na nosa comunidade autónoma formación específica para este persoal, procédese a estimar a proposta para incluír esta figura que deberá ser previamente acreditada na formación sanitaria regulada que xustifique a súa competencia e responsabilidade.

Coa aceptación desta alegación modifícase o contido do artigo 2 incluíndo o apartado m) persoa con formación.

Ao introducir esta figura no decreto é necesario, en aras dunha maior claridade das actividades dos distintos actores da cacería e da adecuación dás actividades desta nova figura, modificar la redacción do artigo 3. Isto implica así mesmo a modificación do anexo II "Documento sanitario de traslado de pezas de caza maior silvestre" substituíndo o "servizo veterinario colaborador" por "persoa con formación" . .

*Sentido da valoración: Estimar*

**Alegacións de (veterinaria particular)**

1.- Presenta alegación na que propón unha formación teórica e práctica do servizo veterinario colaborador.

Resposta:

A formación para a inspección de pezas de caza regulada no Cap I, Secc IV, Anexo III do Reg (CE) 853/2004, do 29 de abril do Parlamento Europeo e do Consello, polo que se establecen normas específicas de hixiene dos alimentos de orixe animal está suficientemente acreditada pola titulación Veterinaria.

Non obstante os Colexios Veterinarios Oficiais poderán establecer xornadas de formación a efecto.

*-Sentido das valoracións: Rexeitar*



2.- Presenta alegación en relación ao Anexo V (toma de mostras para a análise parasitolóxico de triquina), o protocolo de recollida de mostras de xabaril establece no devandito anexo que cando NON se dispoña dos alicerces do diafragma, deberá tomarse da parte do diafragma situada preto das costelas ou do esterno, ou dos maseteros ou da lingua.

Resposta:

Se temos en conta que a posta no mercado de carne de caza debe de cumplir os exigentes requisitos sanitarios e de hixiene da normativa comunitaria, neste caso o Regulamento de execución (UE)2015/1375 da Comisión, do 10 de agosto, polo que establecen normas específicas para os controis oficiais da presenza de triquinas na carne no seu anexo III (exame de animais distintos dos porcinos) establece que se tomarán mostras de pata dianteira , lingua ou diafragma dos xabarís.

-*Sentido da valoración: Estimar.*

3.- Presenta alegación acerca da contrariedade de permitir o traslado de pezas do local intermedio á sala de tratamiento de caza, o que supoñería permitir a subministración de pezas dun local rexistrado no Rexistro Galego Sanitario de Empresas e Establecementos Alimentarios (REGASA) a unha sala de tratamiento de caza rexistrada no no Registro General Sanitario de Empresas Alimentarias y Alimentos (RGSEAA).

-*Sentido da valoración. Estimar*

Santiago de Compostela a 16 de setembro de 2019

